



# Y Swyddfa dros Reoli Niwclear (ONR) Adroddiad Safle ar gyfer Wylfa

Adroddiad ar gyfer cyfnod 1 Gorffennaf 2020 – 31 Rhagfyr 2020

## Rhagair

Cyhoeddir yr adroddiad hwn fel rhan o ymrwymiad ONR i sicrhau bod gwybodaeth am weithgareddau arolygu a rheoleiddio sy'n ymwneud â'r safle uchod ar gael i'r cyhoedd. Dosberthir adroddiadau i aelodau Grŵp Rhanddeiliaid Safle Wylfa (SSG) ac maent hefyd ar gael ar wefan ONR (<http://www.onr.org.uk/lrc/>).

Mae arolygwyr safle o ONR fel arfer yn mynychu cyfarfodydd SSG Wylfa lle cyflwynir yr adroddiadau hyn a byddant yn ymateb i unrhyw gwestiynau a godir yno. Dylai unrhyw berson sy'n dymuno holi am faterion a gwmpesir gan yr adroddiad hwn gysylltu ag ONR (<http://www.onr.org.uk/feedback.htm>).

## TABL CYNWYS

1	AROLYGIADAU .....	2
2	MATERION ARFEROL .....	3
3	MATERION NAD YDYNT YN RHAI ARFEROL .....	4
4	GWEITHGARWCH RHEOLEIDDIOL .....	4
5	NEWYDDION GAN ONR (GORFFENNAF – RHAGFYR 2020) .....	5

## 1 AROLYGIADAU

### 1.1 Dyddiadau'r arolygiad

Mynychodd arolygwyr ONR safle Wylfa ar y dyddiadau canlynol:

- 28<sup>fed</sup> Gorffennaf 2020;
- 25<sup>fed</sup> i 28<sup>fed</sup> Awst 2020;
- 16<sup>fed</sup> Medi 2020;
- 24<sup>fed</sup> Medi 2020;
- 5<sup>fed</sup> Hydref 2020; A
- 16<sup>fed</sup> i 19<sup>fed</sup> Tachwedd 2020

## 2 MATERION ARFEROL

### 2.1 Arolygiadau

Cynhelir arolygiadau fel rhan o'r broses ar gyfer monitro cydymffurfedd â:

- yr amodau wedi'u hategu gan ONR i'r drwydded safle niwclear a roddwyd o dan Ddeddf Safleoedd Niwclear 1965 (NIA65) (fel y'i diwygiwyd);
- Deddf Ynni 2013
- Deddf Iechyd a Diogelwch yn y Gwaith 1974 (HSWA74); A
- rheoliadau a wnaed o dan HSWA74, er enghraifft Rheoliadau Ymbelydriadau Ïoneiddio 2017 (IRR17) a Rheoliadau Rheoli Iechyd a Diogelwch yn y Gwaith 1999 (MHSWR99).

Mae'r arolygiadau'n cynnwys monitro gweithredoedd y trwyddedai ar y safle mewn perthynas â digwyddiadau, gweithrediadau, gwaith cynnal a chadw, prosiectau, addasiadau, newidiadau i achosion diogelwch ac unrhyw faterion eraill a allai effeithio ar ddiogelwch a diogeledd. Mae'n ofynnol i'r trwyddedai wneud a gweithredu trefniadau digonol o dan yr amodau sydd ynghlwm wrth y drwydded er mwyn sicrhau cydymffurfedd cyfreithiol. Mae arolygiadau'n ceisio barnu pa mor ddigonol yw'r trefniadau hyn a'u gweithredu.

Yn ystod y cyfnod hwn, cynhaliodd ONR yr arolygiadau canlynol yn Wylfa:

- Gweithrediad y trwyddedai o fesurau lleihau risg Covid-19
- LC 02: Marcio ffin y safle
- LC 10: Hyfforddiant
- LC 12: Personau awdurdodedig a phersonau eraill sydd â chymwysterau a phrofiad addas
- LC 14: Dogfennau diogelwch
- LC 15: Adolygiad cyfnodol
- LC 17: System reoli
- LC 19: Adeiladu neu osod peiriannau newydd
- LC 21: Comisiynu
- LC 26: Rheoli a goruchwylio gweithrediadau
- LC 28: Archwilio, arolygu, cynnal a chadw a phrofi
- LC 36: Gallu sefydliadol
- Rheoliadau Diogelwch Diwydiannau Niwclear (NISR) 2003 (fel y'i diwygiwyd).

Yn gyffredinol, roedd ONR o'r farn bod y trefniadau a wnaed ac a weithredwyd gan y safle mewn ymateb i ofynion diogelwch a diogeledd yn ddigonol yn y meysydd a arolygwyd. Mae ONR yn parhau i fonitro gwelliannau gwybodaeth a seiberddiogelwch ar y safle yn ôl amserlen wella. Mae Wylfa yn parhau i hyrwyddo canlyniadau diogelwch ac mae'n gwneud cynnydd o ran cwblhau gwelliannau a nodwyd.

## 2.2 Gwaith arall

Drwy gydol y cyfnod adrodd hwn, gan gynnwys cyfnod y cyfyngiadau symud cenedlaethol, mae arolygydd diogelwch safle enwebedig ONR wedi cynnal cyfarfodydd ffôn wythnosol gyda chynrychiolydd o dîm arweinyddiaeth Wylfa i gynnal ymwybyddiaeth sefyllfaol o faterion sy'n ymwneud â diogelwch niwclear, diogeled, mesurau diogelu, trafndiaeth ac iechyd a diogelwch confensiynol, gan gynnwys: gwydnwch y gweithlu, gwydnwch trefniadau argyfwng, gwydnwch y gadwyn gyflenwi, digwyddiadau ar y safle a gweithgareddau sy'n digwydd ar y safle. Ni amlygwyd unrhyw faterion arwyddocaol i ONR ac felly ers mis Awst mae amllder y cyfarfodydd ffôn hyn wedi gostwng i bob pythefnos.

Ail-gychwynnodd ONR ymweliadau arolygu safle ag Wylfa ym mis Gorffennaf 2020. Mae ONR yn parhau i adolygu ei ymrwymadau ag Wylfa ac mae'n effro i'r angen i gydbwyso cwblhau arolygiadau arfaethedig â rheolau Covid-19 Llywodraeth Cymru a'r ardal leol. Mae hyn yn cynnwys bellach ymgymryd â rhai rhyngweithiadau drwy alwadau cynhadledd o bell (fel y bo'n briodol) i sicrhau'r presenoldeb corfforol gorau ar y safle.

## 3 MATERION NAD YDYNT YN RHAI ARFEROL

Mae'n ofynnol i drwyddedau gael trefniadau i ymateb i faterion a digwyddiadau nad ydynt yn rhai arferol. mae arolygwyr ONR yn barnu digonolrwydd ymateb y trwyddedai, gan gynnwys y camau a gymerwyd i weithredu unrhyw welliannau angenrheidiol.

Nid yw Wylfa wedi rhoi gwybod am unrhyw ddigwyddiadau sy'n gysylltiedig â diogelwch i ONR yn ystod y cyfnod adrodd hwn.

Mewn ymateb i'r pandemig Covid-19, rhoddwyd pob un o 12 o safleoedd niwclear trwyddedig Magnox Limited mewn cyflwr diogel gyda'r holl weithgareddau datgomisiynu a thrin gwastraff ymbelydrol wedi dod i ben. Roedd yr oedi hwn mewn gweithrediadau yn caniatáu i nifer y personél ar y safle gael eu gostwng i lefel lle y gellid monitro a goruchwylio peiriannau o bryd i'w gilydd, megis gwagio sympiau o bryd i'w gilydd a gwirio systemau awyru, ac y gellir cynnal diogelwch. Roedd y rhan fwyaf o bersonél yn ystod y cyfnod oedi hwn yn gweithio gartref ac yn parhau i wneud hynny. Mae'r safle wedi gwneud gwaith i sicrhau y gall personél ddychwelyd i'r safle mewn modd diogel.

Cynhelir parodrwydd ar gyfer argyfwng drwy dîm cyflenwi dyletswydd ym mhob safle yn unol â threfniadau argyfwng cymeradwy'r ONR. Mae'r trefniadau hyn yn cynnwys y ddarpariaeth i alw personél ychwanegol a'r gwasanaethau brys i mewn i'r safle i gynorthwyo staff Magnox Limited. Mae'r cynlluniau hyn wedi cael eu hymarfer a'u harsylwi'n rheolaidd gan arolygwyr ONR yn ystod ymarferion brys yn y gorffennol diweddar. Nid yw Magnox Limited wedi adrodd am unrhyw faterion a allai effeithio ar statws diogel y safle.

## 4 GWEITHGARWCH RHEOLEIDDIOL

Gall ONR gyhoeddi dogfennau ffurfiol i sicrhau cydymffurfedd â gofynion rheoliadol. O dan Amodau Trwydded safle niwclear (LC) mae ONR yn cyhoeddi dogfennau rheoleiddio sydd naill ai'n caniatáu gweithgaredd neu'n ei gwneud yn ofynnol i ryw fath o gamau gael eu cymryd. Gelwir y rhain gyda'i gilydd yn 'Offerynnau Trwydded' (LIs). Yn ogystal, gall arolygwyr gyhoeddi Hysbysiadau Gorfodi i sicrhau gwelliannau i ddiogelwch.

Roedd un LI, ac ni chyhoeddwyd unrhyw Hysbysiadau Gorfodi yn ystod y cyfnod:

**Tabl 1**

**Offerynnau Trwydded a Hysbysiadau Gorfodi a Gyhoeddwyd gan ONR yn ystod y cyfnod hwn**

Dyddiad	Math	Cyf	Disgrifiad
5/10/2020	Offeryn Trwydded	575	Cymeradwyaeth a gyhoeddwyd o dan amod trwydded 28(5) o ragair amserlen cynnal a chadw niwclear ddiwygiedig Wylfa. Daeth cymeradwyaeth i rym ar 15/10/2020 am hanner dydd.

Ceir adroddiadau sy'n manylu ar y penderfyniadau rheoleiddio uchod ar wefan ONR yn <http://www.onr.org.uk/pars/>.

## 5 NEWYDDION GAN ONR (GORFFENAF – RHAGFYR 2020)

### Covid-19 (Coronafeirws)

Rydym yn parhau i gael sicrwydd bod gan drwyddedau safleoedd niwclear a deiliaid dyletswydd eraill ddigon o adnoddau i barhau i gyflawni eu gweithgareddau'n ddiogel ac yn sicr.

Rydym yn parhau i fod yn fodlon ag ymateb y diwydiant ar hyn o bryd ac ni fu unrhyw newid sylweddol i wydnwch diogelwch a diogeledd deiliaid dyletswydd.

Wrth i gyfyngiadau COVID-19 newid, rydym yn canolbwyntio ar y parodrwydd ar gyfer yr wythnosau a'r misoedd i ddod a chynnal gweithrediadau diogel.

Mae'n ofynnol i bob safle trwyddedig bennu'r lefelau staffio gofynnol sy'n angenrheidiol er mwyn sicrhau gweithrediadau diogel a threfniadau wrth gefn os na ddiwallir y lefelau hyn. Cynlluniwyd yr amod hwn yn benodol i sicrhau y gall diwydiant reoli a meistrolï gweithgareddau'n ddigonol a allai effeithio ar ddiogelwch niwclear o dan bob amgylchiad rhagweladwy, gan gynnwys pandemigau.

Mae staff ONR yn parhau i weithio gartref, yn bennaf. Rydym wedi ystyried ein blaenoriaethau, wedi gohirio gweithgareddau nad ydynt yn hanfodol, ac rydym yn cyflawni cymaint o'n gwaith â phosibl drwy gynhadledd fideo, ffôn ac e-bost.

Rydym yn parhau i archwilio, asesu a rhoi caniatâd o bell lle bo angen i ddiogelu staff, gweithwyr ar y safle, a'r cyhoedd o amgylch safleoedd.

### Camau gorfodi

Ym mis Gorffennaf fe wnaethom roi cyhoeddusrwydd i gyflwyno Hysbysiad Gwella i Rolls-Royce Submarines Ltd (RRSL) am dorri rheolau diogelwch gweithdrefnol ar ei safle yn Derby. Cafodd yr hysbysiad ei gyflwyno ar ôl i ddiffygion gael eu nodi yn erbyn gofynion yr achos diogelwch mewn cyfleuster cynhyrchu tanwydd niwclear ar y safle.

Ym mis Medi cyhoeddodd fod Hysbysiad Gwella wedi'i gyflwyno i EDF Energy Nuclear Generation Ltd (EDF NGL) am ddiffygion mewn gweithdrefnau diogelwch yng Ngorsaf Bŵer Heysham 2 yn Swydd Gaerhirfryn. Cyhoeddodd hefyd fod Hysbysiad Gwella hefyd wedi'i

gyflwyno i Devonport Royal Dockyard Ltd am ddiffygion mewn gweithdrefnau cynnal a chadw ar ei safle yn Plymouth.

Ym mis Medi fe wnaethom gyhoeddi'n bwriad i erlyn AWE plc o dan Adran 3 o'r Ddeddf Iechyd a Diogelwch yn y Gwaith ac ati (1974). Dilynodd hyn ddigwyddiad trydanol ar 20 Mehefin 2019 yn Safle AWE Aldermaston a arweiniodd at gontractwr yn osgoi anaf o drwch blewyn pan ddigwyddodd fflach o drydan o ffynhonnell drydanol 415V. Roedd y digwyddiad yn fater iechyd a diogelwch confensiynol ac fe'i digwyddodd mewn adeilad 'nad yw'n niwclear', felly nid oedd unrhyw risg radiolegol i weithwyr na'r cyhoedd. Cafodd AWE ddirwy o £660,000 wedyn ar ôl pledio'n euog i'r drosedd hon a gorchynnwyd iddynt dalu costau o £9,945.71 yn ystod gwrandawriad rithwir yn Llys Ynadon High Wycombe.

Ym mis Hydref rydym fe wnaethom hysbysu Sellafield Ltd y byddai'n cael ei erlyn o dan Adran 2 (1) o'r Ddeddf Iechyd a Diogelwch yn y Gwaith ac ati (1974). Roedd y cyhuddiad yn ymwneud â digwyddiad ar 24 Ebrill 2020 ar safle Sellafield lle gwnaeth cyflogai ddiodesd anafiadau tra'n gweithio ar offer trydanol foltedd uchel. Roedd y digwyddiad hwn hefyd yn fater iechyd a diogelwch confensiynol ac nid oedd unrhyw risg radiolegol i weithwyr na'r cyhoedd. Cafodd y gwrandawriad ei gynnal yn Llys Ynadon Caerliwelydd ar 18 Rhagfyr 2020, lle cafodd Sellafield Ltd ddirwy o £320,000 a'i orchymyn i dalu costau o £12,079.07 ar ôl pledio'n euog i'r drosedd.

### **Diweddariadau rheoleiddiol**

Ym mis Gorffennaf cyhoeddodd y Llywodraeth ei hymateb i adroddiad terfynol Asiantaeth Ynni Atomig Rhyngwladol ar genhadaeth y Gwasanaeth Adolygu Rheoleiddiol Integredig (IRRS) i'r DU. Cynhaliwyd y genhadaeth IRRS rhwng 14 a 25 Hydref 2019 ac fe'i cynhaliwyd gan ONR a gwelwyd tîm o 18 o arbenigwyr annibynnol o bob cwr o'r byd yn craffu ar reoleiddio diogelwch niwclear a radiolegol.

Ym mis Awst fe wnaethom roi caniatâd i EDF NGL i Adweithydd 3 ar ei safle Hunterston B ddychwelyd i'r gwasanaeth am gyfnod cyfyngedig o weithredu (16.425 diwrnod Terawatt, tua chwe mis o weithredu). Ym mis Medi rhoddwyd caniatâd hefyd i Adweithydd 4 ar yr un safle ddychwelyd i'r gwasanaeth am gyfnod cyfyngedig o weithredu (16.25 diwrnod terawatt, sef tua chwe mis o weithredu). Rhoddwyd y penderfyniad i roi caniatâd i ailgychwyn yr adweithyddion hyn ar ôl asesiadau helaeth a manwl o'r achosion diogelwch priodol gan arolygwyr ONR arbenigol.

Ym mis Hydref fe wnaethom gyhoeddi Trefniant Cyfnewid Gwybodaeth (IEA) gyda Comisiwn Diogelwch Niwclear Canada (CNSC). Mae'r IEA yn gytundeb dwyochrog rhwng ein dau sefydliad sy'n darparu fframwaith ar gyfer rhannu gwybodaeth, profiad ac arfer da i alluogi'r ddau barti i ddysgu oddi wrth ei gilydd a hyfforddi ei gilydd ar faterion rheoleiddio technegol. Mae hefyd yn caniatáu cyfathrebu mwy effeithiol rhwng y ddau reoleiddiwr. Roedd y cytundeb eisoes wedi'i ddefnyddio i ddatblygu Memorandwm Cydweithredu (MoC) rhwng ONR a'r CNSC sy'n caniatáu rhannu arferion gorau a phrofiad o adolygu technolegau adweithyddion uwch ac adweithyddion modiwlaid bach (SMR).

Ym mis Tachwedd, cyhoeddodd ein Prif Arolygydd Niwclear (CNI), Mark Foy, ei adroddiad blynyddol yn manylu ar berfformiad diwydiant niwclear Prydain Fawr yn ystod 2019/20. Mae'r CNI yn adrodd ei fod yn fodlon bod y diwydiant niwclear, yn gyffredinol, wedi parhau i fodloni'r safonau uchel o ddiogelwch a diogeledd sydd eu hangen i amddiffyn gweithwyr a'r cyhoedd. Mewn ardaloedd lle nad yw deiliaid dyletswydd wedi cyrraedd y safonau hyn, mae'r CNI yn fodlon bod y cyfleusterau hyn yn parhau'n ddiogel a bod ONR wedi ymyrryd mewn modd cymesur i sicrhau bod cynlluniau ar waith i wella perfformiad.

Ym mis Tachwedd, fe wnaethom chwarae rôl arweiniol yn y Genhadaeth IRRS rithwir gyntaf erioed. Cynhaliwyd y genhadaeth rithwir i Lithwania drwy Wasanaeth Adolygu Rheoleiddiol Rhyngwladol Asiantaeth yr Amgylchedd ac archwilio ddichonoldeb defnyddio offer

cyfathrebu modern ar gyfer cenadaethau yn y dyfodol. Arweiniwyd y daith gan Gyfarwyddwr Technegol ONR Dr Anthony Hart ac fe'i cefnogwyd gan yr Arolygydd Uwch-arolygydd Colin Tait. Ymhlith y gwledydd eraill a gymerodd ran yn y genhadaeth roedd Canada, Pacistan, y Ffindir a'r Iseldiroedd.

Ym mis Rhagfyr, daethom yn Rheoleiddiwr mesurau diogelu niwclear y DU, sy'n gyfrifol am y gyfundrefn mesurau diogelu domestig ac sy'n gweithredu System Gyfrifyddu Gwladwriaeth y DU ar gyfer, a Rheoli, Deunyddiau Niwclear (SSAC). Ar ôl diwedd y cyfnod pontio fel y nodir yn y Cytundeb Ymadael, cymerodd ONR ei gyfrifoldebau am 23.00 ddydd lau 31 Rhagfyr 2020. Mae hwn wedi bod yn brosiect pwysig i ONR, gan sefydlu tîm newydd, systemau newydd a phrosesau newydd, dan arweiniad Dr Mina Golshan.

Ers i'r Llywodraeth roi'r dasg o sefydlu cyfundrefn ddiogelu ddomestig ar ôl Brexit, rydym wedi datblygu tîm o arbenigwyr diogelu, gan gynnwys arolygwyr a chyfrifyddwyr deunydd niwclear, ac wedi gweithredu system IT bwrpasol, SIMRS (System Cofnodi a Rheoli Gwybodaeth y Trefniadau Diogelu).

Mesurau diogelu niwclear yw mesurau i gadarnhau bod gwledydd yn cydymffurfio â'u rhwymedigaethau rhyngwladol i beidio â defnyddio deunyddiau niwclear o'u rhaglenni niwclear sifil i weithgynhyrchu arfau niwclear. Mae'r gwaith diogelu yn parhau i fod yn flaenoriaeth allweddol i'r sefydliad ac mae'n rhan o'n Hadran Diogelwch a Mesurau Diogelu Niwclear Sifil.

### **Diweddariadau corfforaethol**

Ym mis Gorffennaf cyhoeddwyd ein Strategaeth 2020-25, sy'n nodi ein cyfeiriad a'n blaenoriaethau ar gyfer y pum mlynedd nesaf. Mae'n adeiladu ar ein cryfderau ac yn parhau i ganolbwyntio ar ddiogelu cymdeithas a mynd i'r afael â'r gofynion newidiol y byddwn yn eu hwynebu fel rheoleiddiwr niwclear y DU.

Ar ddiwedd mis Medi cyhoeddwyd ein Hadroddiad Blynyddol a Chyfrifon yn amlygu ein perfformiad a'n cyflawniadau allweddol ar gyfer 2019/20. Mae'r adroddiad yn nodi ein bod wedi parhau i gyflawni ein cenhadaeth o ddiogelu cymdeithas drwy sicrhau gweithrediadau niwclear diogel a bod y rhan fwyaf o ddeiliaid dyletswydd wedi parhau i fodloni'r safonau uchel o ddiogelwch sydd eu hangen. Lle nad yw deiliaid dyletswydd wedi cyrraedd safonau o'r fath, rydym yn fodlon bod eu cyfleusterau'n parhau'n ddiogel a bod ein ffocws rheoleiddiol wedi cael effaith gadarnhaol ar eu perfformiad. Yn ystod y flwyddyn, cwblhawyd dros 800 o arolygiadau cydymffurfio gennym ar draws 36 o safleoedd trwyddedig yn ystod 2019/20, gan roi caniatâd ar gyfer 30 o weithgareddau cysylltiedig â niwclear, cyflwyno tri hysbysiad gwella a chychwyn un erlyniad.

Ym mis Medi cyhoeddwyd bod Jean Llewellyn OBE wedi'i phenodi i'r Bwrdd ONR fel yr aelod Anweithredol Diogelwch newydd. Bydd Jean yn dechrau ar ei phenodiad ar 1 Hydref 2020 am gyfnod o dair blynedd a bydd yn Cadeirio Pwyllgor Diogelwch ONR.

Ym mis Hydref, cyhoeddwyd bod y Prif Weithredwr Adrienne Kelbie wedi'i benodi'n Gadlywydd Urdd yr Ymerodraeth Brydeinig (CBE) yn Rhestr Anrhydeddau Pen-blwydd y Frenhines 2020 am wasanaethau i'r diwydiant niwclear ac i amrywiaeth a chynhwysiant. Dywedodd Adrienne: "Mae'r anrhydedd hon yn deyrnged i'r tîm ONR a pbawb arall sy'n gweithio'n ddiflino i greu byd mwy cynhwysol a sector niwclear diogel, yn ogystal â'r rhai ar daith hir ac weithiau llafurus arweinyddiaeth a hunan-ddatblygiad. Mae cynhwysiant yn mynd law yn llaw â diogelwch, oherwydd mae timau amrywiol yn hanfodol i wella'r broses o wneud penderfyniadau – felly mae'n bendant yn y maes niwclear. Dyna pam, fel Prif Weithredwr ONR, rwyf wedi ymrwymo'n bersonol i yrru'r agenda gynhwysiant yn amlwg ac annog eraill i wneud hynny hefyd."



Ym mis Rhagfyr, cyhoeddwyd cynlluniau i alinio ein strwythur arweinyddiaeth i reoleiddwyr niwclear eraill ledled y byd gyda swydd gyfun newydd o'r Prif Arolygydd Niwclear/Prif Weithredwr.

Bydd y Prif Arolygydd Niwclear Mark Foy yn ymgymryd â'r swydd gyfun newydd, yn amodol ar gymeradwyaeth fanwl gan y llywodraeth, gyda chefnogaeth y Dirprwy Brif Weithredwr presennol, Sarah High. Bydd rôl uwch swyddog rheoleiddio newydd, Cyfarwyddwr Gweithredol Gweithrediadau/Dirprwy Brif Arolygydd, hefyd yn cael ei sefydlu. Nid yw'r union amserlenni wedi'u cadarnhau eto, ond fe ddaw'r newidiadau i rym yn ddiweddarach yn 2021.

O dan y trefniadau contractiol presennol, roedd disgwyl bob amser i'r Prif Weithredwr presennol Adrienne Kelbie CBE gamu i lawr wrth i'w thymor estynedig yn y swydd ddod i ben ym mis Ionawr 2022. Mae'r newid yn adlewyrchu trosglwyddiad llwyddiannus ONR i sefydliad aeddfed llwyddiannus ers dod yn Gorfforaeth Gyhoeddus annibynnol yn 2014.

Ym mis Rhagfyr, roeddem yn falch iawn o gyhoeddi bod ein Dirprwy Brif Arolygydd a Chyfarwyddwr Sellafield, Is-adran Datgomisïynu, Tanwydd a Gwastraff yr ONR, Dr Mina Golshan, wedi derbyn Cadlywydd Urdd yr Ymerodraeth Brydeinig (CBE) yn Anrhydeddau'r Flwyddyn Newydd 2021, am 'wasanaethau i reoleiddio niwclear'.

## Cysylltiadau

Y Swyddfa Rheoleiddio Niwclear  
Llys Redgrave  
Ffordd Merton  
Bootle  
Glannau Mersi  
L20 7HS

Gwefan: [www.onr.org.uk](http://www.onr.org.uk)  
E-bost: [contact@onr.gov.uk](mailto:contact@onr.gov.uk)

Cyhoeddir y ddogfen hon gan y Swyddfa dros Reoli Niwclear (ONR). I gael rhagor o wybodaeth am ONR, neu i roi gwybod am anghysondebau neu anghywirdebau yn y cyhoeddiad hwn, ewch i <http://www.onr.org.uk/feedback.htm>.

© Swyddfa dros Reoli Niwclear, 2020

Os hoffech ddefnyddio'r wybodaeth hon ewch i [www.onr.org.uk/copyright](http://www.onr.org.uk/copyright) am fanylion.  
Cyhoeddwyd 01/21

*Ar gyfer dogfennau cyhoeddedig, y copi electronig ar wefan ONR yw'r fersiwn mwyaf cyfredol sydd ar gael i'r cyhoedd o hyd ac mae copïo neu argraffu yn golygu bod y ddogfen hon heb reolaeth.*